



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XVI. Mortale est contra justitiam calumniatori, vel detractori, sive in  
judicio, sive extra, notabile crimen falsum scienter objicere, ad finem  
defendendi honorem suum, vel famam, etiamsi sic ...

---

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

aversatur, sed etiam persequitur detrahentem. Ait enim: „detrahentem secreto proximo suo, hunc persequetur...”, Enimvero nihil tam inquietat animum, nihil est quod ita mobilem mentem, & levem faciat, quam faciliè totum credere, & obrectatorum verba temerario mentis assensu sequi. Hinc enim crebra disensiones, hinc odia injuria nascentur. Hoc est quod sepe de amicissimis etiam inimicos facit, dum concordes quidem, sed credulas animas malitiosa lingua dissociat. At contraria magna quies animi, magnaque est morum gravitas, non temere de quoquam sinistro quid audire. Beatusque est, qui ita se contra hoc vitium armavit, ut apud eum detrahere nemo audeat. Quod si bac in nobis esset diligentia, ne passim obrectatoribus crederemus, iam omnes detrahere timebant, ne non tam alios, quam seipso viles detrahendo fassent. Sed hoc idea malum celebre est, idcirco in multis servet hoc vitium ( certe in tam multis, quod S. Hieron. epist. ad Celant. testetur, paucos esse qui huic viro detractionis renuntiantur... tanta quippe hujus mali libido mentes hominum invaserit, ut etiam qui procul ab aliis vitiis recesserunt, in istud tamen, quasi in extremum diaboli laqueum incidentur) quia penè ab omnibus libenter audiatur.

94 Secundò sic aliquis detractorem audit, ut ipsum ad detrahendum non inducat, nec exciteret, exterius testificando sibi placere detractionem, detractio tamen ipsi interius placeat, quatenus proximi diffamativa, propter odium ejus cui detrahitur. Et iste graviter quidem peccat contra iustitiam & charitatem (digni enim sunt morte non solum qui faciunt, sed etiam qui consentiunt facientibus. Rom. 1.) non tenetur tamen ad restitutionem, sicut prior: quia non est moralis causa detractionis, dum exterius in eam non influit, complacentiam exterius ostendendo, etiam si interius non minus peccet quam detrahens; imò quandoque magis, pro majoritate odii, vel complacentiae.

95 Tertiò sic ut nec inducat, nec interius placet ipsi detractio; quatenus proximi diffamativa, audiat tamen libenter ex curiositate scienti facta proximi. Et istum non peccate mortaliter docenti Navarrus, Toletus, Lessius, Bonacina, &c. Quia delectatio ipsius non est de detractione formalis, sed de curiosa cognitione factorum proximi, qua ipsius non videatur nisi venialis. Mihi tamen peccatum ipsius simile videtur illi, quod committit; qui, non ex odio, neque revelandi vel diffamandi animo, sed ex sola curiositate clam observare vult occultum proximi crimen, v. g. adulterium, ut illius habeat scientiam: qui si mortaliter peccet (uti probabile videri potest) ed quod proximus habeat jus subtrahendi cognitioni aliorum non superiorum occulta crimina sua) idem de curioso auditore illo dicendum videtur.

96 Quartò sic ut nec inducat, nec placeat ei detractio, nec audiat libenter ex curiositate, nihilominus ex timore, negligenter, vel etiam

vere cunctia quadam omniat repellere detrahentem. Et iste peccat quidem ( ait S. Thomas ubi supra ) sed mulio minus quam detrahens; & plerumque venialiter. Quandoque tamen etiam hoc potest esse peccatum mortale, vel propter hoc quod alios ex officio incumbit detrahentes corrigerem ( prout incumbit Superioribus, Parochis, patribus & matribus-familias, dominis & dominabus, Magistratibus, & quibuscumque pollutibus autoritate, respectu subditorum ) vel propter aliquid periculum consequens ( periculum scilicet gravis damni quod ex detractione prudenter timetur eventurum detrahenti, vel illi cui detrahitur, vel utique quod ex charitate erga proximum uniusquisque tenetur avertere, si possit: alias mortaliter peccat contra charitatem ) vel propter radicem timoris, quia timor humanus quandoque potest esse peccatum mortale, si nempe sit timor mundanus; ex coequo negligatur praeceptum correctionis fraternalis, dum graviter obligat.

Addit tamen S. Doctor quod non semper 97 aliquis resistere debet detractori, arguendo eum de falsitate; maximè si sciat verum esse quod dicuntur, juxta illud Ecol. 4. “ Non contradicas verbo veritatis ullo modo; ” sed debet eum verbis redarguere de hoc quod peccat fratri detrahendo. Vel saltus offendere, quod ei detractione dispiceat; per tristitiam facie: quia ut dicitur Proverb. 25. “ Ventus Aquilo dissipat pluvias, & facies tristis linguam detrahentem. ” Et iste est optimus modus, dum detrahentem aperte reprehendere non expedit, ut quandoque non expedit, si nempè detractor sit persona superior, vel si nulla sit spes fructus; imò probabilis potius timor detraactorem magis inflammanti.

#### C A P U T X V I .

*Mortale est contra iustitiam calumniam, vel detractori, sive in judicio, sive extra, notabile crimen falsum scienter objicere, ad finem defendendi honorem suum, vel famam; etiam si defendi possit, alius non possit.*

I D esse veniale propter mendacium, sed non 98 mortale contra iustitiam, docent Cardinalis de Lugo, Gaspar Hurtado, Dicastillo, & alii quos sequitur Tamburinus l. 9. in Decal. c. 2. §. 2. n. 5. quia licet mendacium istud quodammodo sit perniciuum, documentum quod per illud infertur proximo jure defensionis, ad injustitiam non imputatur, nec ad culpam mortalem.

Addit quidem Lugo id in judicio mortale 99 esse propter perjurium, licet non propter injustitiam; eo quod in judicio non credatur tibi, falsum crimen objicienti, nisi per iuratos probaveris testes: probare vero crimen falsum per testes juratos, est perjurio ipsorum participare. Quod est mortale peccatum.

Verum Tamburinus loco citato modum à 100 se excogitatum saltus dubitanter suggerit evadendi tunc perjurium, imò & veniale peccatum. Quia ( inquit ) perjurium, imò &

ff.

mendacium, tam à me, quād ab aliis quibus certa est innocentia mea, vitari potest per aequivocationem, juramento adhibitam.

101 Dixi dubitauer; ait enim, *incertum sibi esse, an id fieri posset sine culpa*. Sed quis non videt ipsum, etiam dubitativo isto modo, portam aperire latissimam judicii pervertendis? Si enim dubium est, vel incertum an id sine culpa fieri possit, sequitur incertum esse, an id octavo Decalogi praecepto censendum sit prohibitum. Quo dato, secundūm ipsum censendum est prohibitum non esse. Ait enim l. i. c. 3. §. 7. n. 1. *Si adhibita diligentia dubites, an sit aliqua lex, vel ad aliquem casum se extendat, non teneris ad illam...* Quia tunc possides libertatem; que cūm sit certa, non potest ligari legi incertā. Erit ergo licitum, juxta Tamburini principia, fallum crimen proximo objicere, etiam in iudicio, illudque firmare juramento, adhibita aequivocatione, seu amphibologiā, &c.

102 Verūm enimvero perniciosa & scandalosa est assertio ista, & ut talis ab Innocentio XI. iure damnata propositione 26. 27. 43. & 44. Si enim ne extra iudicium quidem sine mortali peccato contra justitiam, calumnia per calumniam repellere possit, & sine dubio perjurus sit, qui eam juramento confirmat; quanto minus id sine injustitia & perjurio fieri potest in iudicio? Quod autem id extra iudicium fieri nequeat, constat ex hoc quod damnata sit propositione 26. docens id beneficio restrictionis mentalis sine mendacio & perjurio fieri posse. Sic & 26. dicens, quod causa justa uendi his amphibologiis est, quoties id necessarium est ad honorem tuendum. Et ista 43. Quidam nonnisi veniale sit detrahens auctoritatem magnam, sibi noxiā, falso crimen elidere. Et 44. Probabile est non peccare mortaliter, qui imponit falso crimen alicui, ut suam justitiam & honorem defendat. Et si hoc non sit probabile, vix illa erit opinio probabilis in Theologia. De qua propositione Generalis Cleri Gallicani Conventus anno 1700. censuit sic: *Hujus propositionis doctrina falsa est, temeraria, scandalosa, erronea, spatioam calumniatoribus & impostoribus portam aperit; & clare detegit, quam nefaria placita probabilis nominis inducuntur.* Tametsi ergo quilibet habeat jus defendendi honorem suum & famam; non tamen mendaciis, calumniis & perjuris; siquidem omne jus & potestas à Deo est, qui cūm sit æterna Veritas, Justitiae æterna, certissimè non dedit hominibus potestatem defendendi se per ea quæ contraria sunt veritati ac justitiæ.

103 Et si in iudicio nec veritas nec justitia, nec divini nominis reverentia permittat se defendere per falsos testes, per litteras seu Instrumenta falsificata, &c. profecto nec per alia mendacia & falsitates. Per quas si se vel sua in iudicio defendere fas esset, fas esset & per ejusmodi testes ac Instrumenta. Si vero fas hoc esset, quomodo publica starent iudicia, quo-

modò constaret fides Autheñticorum Instru-  
mentorum? Iis autem sublati, quomodo sta-  
ret publica justitia, sine qua quid sunt regna,  
nisi magna latrocina? inquit Augustinus l. 4.  
de Civit. Dei c. 4.

Huic argumento Tamburinus, non ausus 104  
sub propria, quasi sub aliena responderet per-  
sona: *Inveniantur testes veri, ut sancta requi-  
runt tribunalia: dum enim falsi testes quācum-  
que arte repelluntur, publica iudicia firmantur*.

Sed contrā est 1°. sicut publica iudicia fir-  
mari nequeunt, nisi per testes veros, sic fir-  
mari non posunt per calumnias, quocumque  
fīne prolatas. Quemadmodum enim justitia,  
sic iudiciorum firmamentum est veritas, non  
mendacium.

2°. inveniri non poterunt testes, de quo-  
rum veritate constet, nisi perniciosa Tambu-  
rini doctrina ē mundo exterminetur. Si enim  
aequivocationum mentaliumque restrictionum  
artificio publica iudicia pervertere leceat; ubi-  
nam reperientur homines, de quibus constet  
eo artificio non uti, etiam dum jurant se non  
uti? Unde enim sciri poterit quod id ipsum  
cum aequivocatione, mentaliue restrictione  
non jurent? Iterum ergo dico, non magis  
licitum esse, se per calumniam, vel objectio-  
nem falsam in iudicio defendere, quād per  
testes falsos, scripturasque falsificatas.

#### Solvuntur objections.

**O**bijecies 1°. non est contra justitiam tue-  
ri proprium honorem per revelationem  
criminis occulti. Ergo nec per objectionem  
criminis falsi.

Nego consequentiam. Est enim disparitas,  
quod prius nullo iure prohibetur; posterius  
verò oītavo prohibetur praecepto, tamquam  
contrarium justitiae & veritati, cui prius non  
contrariatur.

Objecies 2°. injustus non est qui injustum 108  
vitæ aggressorem spoliat vitâ, dum aliter suum  
tueri non potest. Ergo nec qui injustum ag-  
gressorem honoris & famæ, spoliat honore  
& famâ.

Respondeo 1°. negando antecedens. 2°.  
eo dissimilato negando consequentiam, si id  
sit per mendacium & calumniam. Nec enim  
fas est injustum vitæ invasorem per calum-  
niam vitâ spoliare; uti nec per falsos testes,  
scripturasque falsificatas.

Objecies 3°. si injusto vitæ tua invasori 109  
mendacio cauiles lapsum in præcipitum, &  
consequenter mortem, reus quidem esset men-  
daciū, sed non injustitiae. Ergo similiter, &c.

Respondeo 1°. iterum negando ante-  
dens. Alias injustus non esset, qui mendacijs  
& calumnias tertium induceret ad talēm occi-  
dendum, vel ipsum etiam ad seipsum occi-  
endum. 2°. negando consequentiam, si ser-  
mo sit de mendacio leviter credito ab inva-  
sole, sibi talibus in circumstantiis patum atten-  
denti; tunc enim mentiendo forsitan non

tam fores causa mortis ipsius, quam occasio.

## C A P U T XVII.

*Ad vitanda gravia tormenta, falsum tibi ipsi scriber in iudicio imponere, ob ejus confessio nem sis morte plectendus, mortale peccatum est.*

110 **I**Ta Cajetanus verbo *detractio* n. 4. Navarrus in Manuali c. 18. Covarravias l. 1. variarum c. 2. n. 8. Sinnichius in Säile l. 1. §. 486. Molina, Lugo, Bonae-Speii, &c. contra Angelum, Sylvetrum, Sotum, Toletum, Leñum, Mastrum, Valentiam, Amicum, Calpensem, &c.

111 Probatur 1°. quia id perjurium est, si confessionem juramento confirmet. 2°. mortale est in genere mendaci perniciosi, fallentis fidem iustitiamque publicam in re gravi. 3°. mortale est in genere homicidii: talis namque sui ipsius homicida est. Quemadmodum enim falso testimonio causans alteri mortem, verè homicida est; ita & qui falso confessione sibi ipsi causat mortem. Quod autem falso testimonio causans alteri mortem homicida sit, ratio est quia gladio lingua ipsum occidit, sicut de Iudeis Augustinus in Psal. 61. dicit, ipsos occidisse Christum gladio lingua, dum falso adversus ipsum testimonium dixerunt. Videatur idem S. Doctor l. 19. de Civit. Dei c. 6. ubi rem intolerabilem esse dicit, maximè que plangendam, & fontibus lachrymarum dignam, eligere potius ex hac vita migrare, quam tormenta illa diutius sustinere, crimen verè non commissum, velut commissum contendo.

112 Confirmatque hoc ipsum D. Hieronymus in epist. de muliere septies ita, quæ à marito Judici tradita, velut cum juvne adulterata, ipso in tormentis confiteante (cum innocens esset) capiteque plexo, ipsa elegit fortiter morti potius, quam in caput suum mentiri. Quod factum Deus miraculo comprobavit: cum enim ad primum gladiiictum juvenis amissus caput & vitam, ipsa septies ita mori non potuit.

*Argumenta contraria dissolvuntur.*

113 **O**bjicies 1°. quando duæ leges simul concurrunt, quæ simul servari non possunt, servari debet potior; sed in proposito casu duæ simul concurrunt leges, quæ simul servari non possunt, lex scilicet salvandi famam suam, & lex salvandi vitam suam. Ergo servari debet potior, nimirum lex salvandi vitam à tam gravibus tormentis.

Respondeo negando minorem, quia lex utraque salvari potest, cavendo mendacium; sic enim salva erit fama simul & vita; ubi per confessionem & fama amittetur, & vita.

114 Objicies 2°. si id esset mortale, vel esset quia seipsum graviter infamarer; vel quia mentiretur, vel quia sibi ipsi esset causa mortis. Non primum, quia seipsum graviter infamare ex rationabili causa licitum est. Non

*Tom. II.*

eriam secundum, quia mendacium istud officiosum foret, non perniciosum: utpote per quod evaderet tormenta gravissima. Non denique tertium, quia confessio illa directè non foret sibi causa mortis, sed indirectè; non enim fieret ad hoc ut occideretur; sed ad hoc ut à tormentis morti equivalentibus liberaretur. Sicut dum quis consulti virginis ut potius interfici se finat à milite, quam stuprari, consilium istud directè non tendit ad virginis interfectionem, sed ad stupri declinationem.

Respondeo id esse mortale propter illa tria, non leonis, sed simul sumptu, quia scilicet seipsum mendaciter diffamat diffamatione directè movente Judicem ad ipsius occisionem. Confessio proinde ipsius directè est ipsi causa mortis; nec ipsi proficit ad tormentorum illorum declinationem, nisi mediante morte, per quam tormentis illis subtrahitur. Per consequens aliter se habet ad ipsius occisionem, quam dictum consilium: utpote per quod non consulitur aliquid ad quod occisio virginis secundum iustitiae regulas sequi debeat, (prout ad confessionem falsi criminis sequi debet occisio confitentis) sed ad quod per se sola sequitur vitatio stupri; ad cuius declinationem occisio virginis ex sola sequitur malitia militis.

Objicies 3°. qui falsum sibi crimen imponit, ad cuius confessionem occidendum est, non aliter censendus est se occidere, quam qui verum crimen morte dignum confiteretur. Non magis ergo censendus est sui ipsius homicida, quam iste.

Nego consequentiam: quamvis enim alter se non occidat physicè; scilicet moraliter. Quia per confessionem falsi criminis sibi ipsi est causa iusta mortis; per confessionem vero criminis veri, sibi ipsi non est causa mortis iusta, sed iusta: cum reus à Judice legitimè interrogatus, confiteri tenetur crimen verè à se commissum. Deinde sicut mortale est contra iustitiam esse proximo causam mortis per impositionem falsi criminis; ita & sibi ipsi taliter esse causam mortis. Denique sicut homicida proximi non censetur, qui legitimè interrogatus testificatur crimen ipsius verum, licet homicida foret, si testificaretur falsum; ita similiter, &c. licet interim verum crimen confessum eodem modo Judicem moveat ad occidendum, quam falsum, cuius falsitas Judicem latet.

Objicies 4°. nemo tenetur vitam suam servare tantis cum doloribus & cruciatibus, ut constat in infirmo, qui non tenetur pati acerbissimam tibiae abscissionem ad vitam conservandam. Igitur quisque potest falsum sibi crimen imponere ad vitandos acerbissimos torturæ dolores, licet inde occidendum sit.

Nego consequentiam: quia qui pati non vult abscissionem tibiae, positivè moraliter non causat sibi destructionem vitæ suæ, sed solum non conservat vitam suam; qui vero falsum sibi crimen imponit coram Judice, non fo-

*ff 2*